

DLXIX.

*Ad consules Lucenses.*

(Anno 1138-1143, Maii 23.)

[BALUZ., *Miscell.*, IV, 590.]

INNOCENTIUS episcopus, servus servorum Dei, dilectis filiis consulibus Lucanis.

Oportuerat quidem universitatem vestram multorum excessuum, quibus sæpe offendistis Dominum, remitti, atque de commissis vestris debita humilitate ab eo veniam promereri. Quod profecto versa vice apud vos in contrarium agi accipimus, dum fratres Ecclesiæ S. Fridiani, qui pro sua religione atque honestate magna reverentia digni habentur, super ordinatione Ecclesiæ S. Pantaleonis, quam eis disponendam et gubernandam, commisimus, infestari permittitis. Unde per apostolica vobis scripta mandamus atque præcipimus quatenus eisdem fratribus nullam de cætero super hoc contradictionem vel molestiam inferri sinatis, et ut nostra concessio gratum Deo obtineat complementum, eis consilium et auxilium impendatis, quatenus secundum eorum dispositionem amodo ibidem omnipotentis Domino serviat.

Data Laterani x Kal. Junii.

DLXX.

*Canonicis ecclesiæ S. Alexandri Bergomatis ecclesiæ de Vergis asserit.*

(Anno 1138-1143, Sept. 23.)

[LURI, *Cod. dipl. Bergom.*, II, 1019.]

INNOCENTIUS episcopus, servus servorum Dei, dilectis filiis, O. præposito et canonicis Sancti Alexandri Pergamensis, salutem et apostolicam benedictionem.

Nuntios vestros, dilectos videlicet filios nostros J. et G., ad nos venientes debita benignitate recepimus, et pro visitatione per eos nobis transmissa dilectioni vestre grates referimus. Hoc autem scire vos volumus quoniam nos personas vestras et Beati Alexandri ecclesiam diligere volumus et facere, et jura vestra vobis illibata servare. Ideoque petitioni vestre nos satisfacere volentes, ecclesiam de Virgis quæ juris beati Petri esse cognoscitur vobis commissam perpetuo habendam concedimus quatenus et ecclesia de vestro regimine secunda persistat, et nobis annuum censum læta persolvat. Vestra itaque interest tales vos exhibere et in ipsius ecclesiæ servitio sic permanere, ut et nos de vestris bonis actibus gaudeamus et ampliori gratia dignos habeamus.

Dat. Laterani ix Kalend. Octobris.

DLXXI.

*Ad Ausciensem archiepiscopum de abbacia Sancti Fremarii.*

(Anno 1139-1143, Jan. 30.)

[Gall. *Christ. nov.*, I, Instr., 189.]

INNOCENTIUS episcopus, servus servorum Dei, ve-

(184) Is erat Falco, qui anno 1139 factus est Lugdunensis archiepiscopus, obiitque anno 1144.

(185) Guido, qui anno 1139 placitum habuit apud

A nerabili fratri AUXITANO archiepiscopo, salutem et apostolicam benedictionem.

Apostolicæ sedis clementia singulis locis et personis dignitatem et justitiam suam servare consuevit. Dilectus filius noster M. Abbas S. Florentii ad nostram præsentiam veniens, significavit nobis quod abbacia Sancti Fremarii, quæ in tuo archiepiscopatu sita est, ad jus B. Florentii ex antiquo pertineat, et abbates ibidem constituti in monasterio S. Florentii professionem fecerunt, et tam sibi quam prædecessoribus suis obedientes exstiterunt. Quia igitur idem monasterium cum omnibus pertinentiis suis B. Petri juris existit, per præsentia scripta tibi mandamus, et mandando præcipimus ut si P. Præfatæ abbatiæ abbas professionem suam observare, et præfato filio nostro abbati debitam et consuetam obedientiam exhibere contempserit, absque dilatione debitam in ipso justitiam facias.

Datum Later. III Kal. Februarii.

DLXXII.

*Ad Petrum abbatem et monachos Cluniacenses. — Lugdunenses archiepiscopum et clericos Cluniacensibus infestos, et per conjuratos homines vim inferentes, compescit. Mittit autem Guidonem diac. qui jurgiis eorum finem imponat, etc.*

(Anno 1139-1143, Maii 17.)

[D. BOUQUET, *Recueil*, XV, 396.]

INNOCENTIUS episcopus, servus servorum Dei, dilectis filiis PETRO abbati et monachis Cluniacensibus, salutem et apostolicam benedictionem.

Pro pace et tranquillitate vestra valde solliciti sumus, et ideo venerabili fratri nostro F. (184) Lugdunensi archiepiscopo rogando injunximus atque præcepimus, ut ab injuria, et infestatione vestra cesset, et clericos Lugdunenses cessare faciat. De his autem qui manus violentas in monachos injece-  
runt, aut rei conjurationis sive conspirationis exstiterunt, ediximus quoniam, donec vobis satisfaciant, anathematis sententiæ sint subjecti. Præcipimus etiam ut ea quæ Cluniacense monasterium tenerat, et a Lugdunensibus sunt ablata restituantur. Si quid vero quæstionis super his remanserit, eorum filio nostro G[uidone] (185) diacono card. apostolicæ sedis legato, quem pro causa vestra præcipue destinavimus, terminetur. Ediximus etiam quod in monasterio S. Raginiberti (*Saint-Rambert*), quoniam fratres illius nimis laxè et minus religiose usque modo vixerunt, per fratres Cluniacenses religio reformetur. Ecclesia vero de Villa-franca (186), quæ Clundiaco a Lugdunensi archiepiscopo data esse cognoscitur, minime auferatur. Si qua vero (quod contingere nolumus) superfuerint, quæ in præsentia nostri legati terminari nequiverint, opportuno tempore in nostra præsentia, præstante Domino, debitum finem accipient.

Datum Laterani, xvi Kal. Junii.

Ucetiæ, de quo vide tom. XIV, p. 310.

(186) De Villa-franca hæc canonicis Lugdunensibus scribebat Petrus Venerabilis, lib. iv, epist. 6 :

## DLXXIII.

*Ad abbatem et monachos Beccenses.*

(Anno 1140-1143, Febr. 24.)

[MANSI, *Concil.*, XXI, 420.]

INNOCENTIUS episcopus, servus servorum, Dei dilectis filiis LETARDO abbati et monachis Beccensis monasterii, salutem et apostolicam benedictionem.

Quoties illud a nobis petitur quod rationi et honestati convenire cognoscitur, animo nos decet libenti concedere et petentium desideriis congruum impertiri suffragium. Ideoque venerabilis fratris nostri Rotrodi Ebroicensis episcopi precibus inclinati, ecclesiam Sanctæ Trinitatis de Bellomonte cum omnibus quæ tam ex dono Rogerii de Bellomonte et Roberti filii sui et Galeranni quoque comitis quam aliorum Dei fidelium in præsentiarum juste et canonicè possidet, aut in futurum justis modis præstante Domino poterit adipisci, quemadmodum ab eodem fratre nostro consensu Galeranni comitis Mellenti vobis rationabiliter concessa est, confirmamus et præsentis cripti pagina communimus, salvis præbendis canonicorum superstitem, qui ante hoc tempus in ipsa ecclesia ordinati sunt. Si quis autem, hujus nostræ constitutionis et confirmationis paginam sciens, contra eam venire tentaverit, secundo tertiove commonitus, si non reatum suum congrua satisfactione correxerit, indignationem Dei omnipotentis et beatorum Petri et Pauli apostolorum ejus se noverit incursum.

Datum Laterani vi Kal. Martii.

## DLXXIV.

*Ad Pontium abbatem Vizeliacensem. — Conservat C*  
*jura Vizeliacensia.*

(Anno 1140-1143, Maii 6.)

[MANSI, *Concil.*, XXI, 403.]

INNOCENTIUS episcopus, servus servorum Dei, dilecto filio PONTIO abbati Vizeliacensi, salutem et apostolicam benedictionem.

Per alia tibi scripta mandasse meminimus, ut Stephano Altissiodorensi canonico in præsentia venerabilium fratrum nostrorum Godefridi Lingonensis episcopi, et Bernardi Clarævallensis abbatis, de querimonia sua responderes; et quod ipsi exinde statuerent, firmiter observares. Verum quoniam litteris et nuntio tuo postea significati illud, unde controversia agitur, Vizeliacensem ecclesiam jam per xxx annos, et eo amplius quiete tenuisse, et juxta antiquam Ecclesiæ tuæ consuetudinem nulli in tua curia te debere respondere: præter consuetudinem ecclesiæ tuæ te super hoc inquietari nolumus, nec quod a beatæ recordationis papa P. [Paschale], prædecessore nostro exinde statutum est, immutari.

Datum Laterani ii Nonas Maii.

• Miror ergo, et adhuc familiarem coram vobis depono, quod pactum pacis (in quod per manus sapientum et religiosarum personarum nondum finito anno convenimus) non quidem omnes, sed quidam vestrum, ut mihi relatum est, dissolverunt;

## A

## DLXXV.

*Ad Godefridum Lingonensem, et Bernardum Clarævallensem. — Ejusdem argumenti.*

(Anno 1140-1143, Maio ?)

[MANSI, *ibid.*, 403.]

INNOCENTIUS episcopus, servus servorum Dei, venerabilibus fratribus GODEFRIDO Lingonensi episcopo, et BERNARDO Clarævallensi abbati, salutem et apostolicam benedictionem.

Per apostolica vobis scripta mandasse meminimus, ut querimoniam Stephani Altissiodorensis canonici adversus dilectum filium nostrum Pontium abbatem Vizeliaci audiretis, et fine debito terminaretis. Verum quia idem abbas litteris et nuntio suo postea nobis significavit, illud unde controversia agitur Vizeliacensem Ecclesiam jam per xxx annos, et eo amplius, quiete tenuisse, et juxta ecclesiæ suæ antiquam consuetudinem, etc., ut in epistola præcedente.

## DLXXVI.

*Ad Petronillam abbatissam et moniales Fontis-Ebraldi.*

(Anno 1140-1143, Jul. 1.)

[PAVILLON, *Vie de Robert d'Arbrissel*, Pr., p. 627.]

INNOCENTIUS episcopus, servus servorum Dei, dilectis in Christo filiabus PETRONILLÆ abbatissæ et sororibus Fontis-Ebraldi, salutem.

Quoniam venerabilis frater noster Ulgerius Andegavensis episcopus per litteras et nuntios suos, nobis significavit, quod ea quibus per se, vel per famulos suos spoliaverat juxta conscientiam suam vobis restituere voluit, sed vos recipere renuistis... Nos... huic controversiæ debitum finem imponere cupimus post diutinam... per apostolica sibi scripta mandavimus quatenus molendinum et cætera quibus per... spoliaverat, salva sua et SS. Sergii et Bacchi justitia, vobis restituat, facta satisfactione post 7 diem episcopale sibi officium restituimus. Postmodum vero causa ipsa... venerabilis fratrum nostrorum G. Carnotensis episcopi apostolicæ sedis legati, H. Turonensis archiepiscopi, et G. Burdegalensis etiam archiepiscopi... concordiam... Quoniam religiosas personas a litigiis et... convenit abstinere, et nos ad pacem et tranquillitatem vestram volumus diligenter intendere... vobis justitiam conservare, per apostolica vobis scripta mandamus quatenus... vos habeatis, ut et controversia ista, jam tanto tempore agitata; de cætero... Andegavensis Ecclesia hujusmodi contentionibus aliquod detrimentum sustineat, orantes vos pro nobis misericordia divina custodiat, et in suo sancto servitio perseverantiam tribuat.

Datum Laterani Kal. Julii.

et ne apud Villam-francam domnus Lugdunensis archiepiscopus, secundum placiti tenorem, cœmeterium dedicaret, etiam publice prohibuerunt. Quod utrum fieri debuisset, ipsi videte, » etc.